

毘尼止持會集卷第十

謙十

清金陵寶華山弘律沙門讀體集

第四與婦女同室宿戒

若比丘與婦女同室宿者波逸提

緣起佛在舍衛國給孤獨園阿那律從舍

衛國向拘薩羅國中路至無比丘住處村

聞知有一姪女家常安止賓客即往寄宿
門下時諸長者有行緣之便亦來投宿坐
相逼近姪女慇念尊者令入舍內尊者結
加趺坐繫念在前姪女於初夜來求作夫

默然不答亦不觀視到後夜姪女復脫衣
來前捉之尊者湧身空中姪女慚愧著衣
合掌懺悔至三尊者下在本處為說微妙
法姪女得法眼淨受三皈五戒為優婆夷
次日尊者受其供養說法而去到僧伽藍

以此因緣向衆僧說衆中有少欲比丘議
嫌白佛結戒由女人事姪染煩惱制斯學
處乃初篇姪根本種類

釋義律云女者人女有知命根不斷室者
四周牆壁障上有覆蓋或前敞而無壁或
雖覆而不偏或覆偏而有開處

結罪是中犯者若比丘先宿婦女後至或
婦女先至比丘後到或二人俱至若欹卧
隨脇著地波逸提缺音溪隨轉側波逸提
若天龍夜叉鬼神女同室宿者突吉羅

與畜生中女能變化不能變化者同室宿
突吉羅 畫日婦女立比丘臥者突吉羅
此戒具三緣方成本罪一是人女二同室
無隔三脇卧地

兼制比丘尼波逸提同制式叉摩那沙彌

沙彌尼突吉羅是為犯

隨開不犯者若比丘不知彼室內有婦女

而宿若比丘先至而婦女後至比丘不知

若屋有覆而無四邊障或半障少障若盡

障而無覆或少覆半覆或露地此室中若

行若坐若頭眩倒地或為強力所捉若為

人所縛若命難淨行難及最初未制戒等

是為不犯

會採僧祇律云一房有隔別戶無罪異房

無隔波夜提共房共隔波夜提別房異

戶無罪比丘室內女人半身在屋內越

毘尼罪女人屋內比丘半身在屋內越

毘尼罪

律攝云若女在閣上苾芻在下或復翻此

若有梯除去有戶牢閉若不去梯應安關

鑰或雖同室以物遮障使絕行路若不爾者明相出時咸得墮罪小旁生女不堪行姪者無犯若有父母夫主等守護者同宿無犯

五分律云若同覆異隔若大會說法若母姊妹近親病患有知男子自伴不卧皆不犯

十誦律云通夜坐不卧不犯

此戒大乘同學

第五與未受大戒三宿戒

謙+

若比丘與未受大戒人共宿過二宿至三宿

三

波逸提

緣起此戒有一制佛在曠野城六羣比丘

與諸長者共在講堂止宿時六羣中有一人散心睡眠無所覺知轉側露形有比丘

以衣覆之復更轉側露形如是至三長者
譏嫌調弄知足比丘慚愧白佛此初結戒
也爾時佛在拘睞毘國諸比丘言佛不聽
我曹與未受大戒共宿當遣羅云出時羅

云無屋住徃廁止宿世尊知之詣廁引入
自房共止一宿明日清旦集僧告諸比丘

言汝等無慈心乃驅出小兒是佛子不護
我意耶故開其二宿此第二結戒也由眠
宿事不寂靜煩惱制斯學處

釋義文分二節與未受大戒共宿明其正

制過二宿下結成所犯律云未受大戒人
者除比丘比丘尼餘未受大戒人是此攝
衆及白衣等同室宿者如上
薩婆多論云若不憊事及失命因緣以憐愍心故得共二宿以護佛法故不聽三宿

結罪是中犯不犯悉同上

此戒具四緣

方成本罪一彼是未受具人二自身無病
更無難緣三共房至三宿四明相未出不
離

兼制比丘尼波逸提同制式義摩那沙彌
沙彌尼突吉羅是為犯

會採僧祇律云若與未受具人同屋宿第
三宿時當異房若露地露地風雨雪寒時
當還入房坐至地了即若老病不堪
坐者當以縵障若齊項若齊掖縵下至地
當用緻物作不得容猶子過據+若道行時
無帳縵者若未受具人可信應語言汝眠
我當坐比丘欲眠時當喚使覺我眠汝坐
若眠汝無福德此同室宿戒罪未悔過
後共宿者罪轉增長悔過已當別房宿更
得共宿

薩婆多論云若共宿過二夜已第三夜更

共餘人宿波逸提以前人相續故若共宿二夜已移在餘處過一宿已還共同宿

無過若通夜坐無犯

律攝云至第三夜令出宿時不應遣出寺

外及離簷前但可離自房勢分若恐惡苾

芻為破戒緣者至第三夜應令求寂向善友房此若無者應共擯出罪惡苾芻或自將求寂餘處而卧若自安居已不得往者應生心念為防護故於三月中與求寂同宿者無犯

根本律云若安居後有惡苾芻來入寺中師主應與求寂同房宿至夏終勿致疑惑或夏罷已能驅者可擯斥之不可擯者應將求寂別詣餘寺如在行路雖過二宿

錄十

五

通夜應眠勿生疑惑

十誦律云有病比丘使沙彌供給雖卧無犯是中有不病比丘不應卧

根本目得迦云不合與俗人求寂授學人別住人等同坐必有難緣無犯

此戒大乘同學

附考律攝云若有難緣無餘牀席應疊七衣為四重而卧其上以大衣疊安頭下或用覆身五衣以充內服凡卧息時右脇著牀兩足重累身不動搖作光明想安住正念情無煩惱衣服不亂於睡知量念當早起初夜後夜恒修善品此是沙門睡息之法若無病苦晝不應卧若眠息時有人相惱應向餘處

第六與未受戒人共誦戒

若比丘與未受戒人共誦者波逸提

緣起佛在曠野城六羣比丘與諸長者共

在講堂誦佛經語聲高大如婆羅門誦書聲亂諸坐禪者有知足比丘白佛結戒由教授事制斯學處乃初篇妄根本種類

釋義律云未受戒人者除比丘比丘尼餘

者是誦者句義非句義字義非字義句義者與人同誦不前不後諸惡莫作衆善奉行自淨其意是諸佛教 非句義者如一

人說諸惡莫作未竟第二人抄前言諸惡

莫作 字義者二人共誦不前不後諸惡

莫作 非字義者如一人未稱諸第二人

抄前言諸僧祇律云雖比丘尼受具戒亦不得教若授弟子經應教言待我誦斷汝當誦若不受語者不復得教

法者佛所說聲聞所說仙人諸天所說佛印可之皆名為法

菩薩

謙十

六

多論云為諸比丘結戒者為異外道故為與弟子差別故為分別言語令分了故為實義不貴音聲故

結罪是中犯者與未受戒人共誦若口授若書授了了波逸提 不了了突吉羅共天龍鬼子及畜生能變化者說而了了

不了了者盡突吉羅 若師不教言我說竟汝可說者師突吉羅 此戒具三緣方成本罪一前人未近圓二先不教誨三同誦高聲

兼制比丘尼波逸提

同制

式叉摩那沙彌

沙彌尼突吉羅是為犯

隨開不犯者我說竟汝說一人誦竟一人書若二人同業同誦或疾疾說乃至錯說及最初未制戒等是為不犯

會採五分律云若教未受具戒人經並誦

波逸提並誦者俱時誦或授聲未絕彼已

誦或波誦未竟此復授句句波逸提

十誦律云若以不足句法教未受具戒人

若偈說偈偈波逸提謂法喻中以四句偈為一偈若經說事事

波逸提謂法喻中一段之事若別句說句句波逸提

別句謂四句偈中但說一句七句亦是句味不足味不足句亦如是

律攝云若語弊若性急言若同誦為正文

句若教授時先告彼言汝勿與我同時而說雖可無犯

此戒大乘同學

引證戒因緣經云若比丘向未受戒者說

一句戒法波逸提由六羣比丘向沙彌說毘尼語佛知故制

律攝云若有俗人為求過失或偷法心或無信敬或是外道以與律相應之說令彼

聽者彼若聞時皆得墮罪

善見律云若法師所撰文字共同誦者不

犯准斯二律制意惟重毘尼卷五篇之名是大僧法具沙彌等必不可令聞也

附考律攝云有五種人不應為說毘奈耶藏謂性無所知強生異問或不為除疑而發於問或試弄故問或惱他故問或求過失故問返上五人為說非犯 其受法者

具三威儀為敬故不應眠授弟子之法若老若少到彼師所合掌鞠躬方申請問四大安不應生敬仰直心無詔請決所疑一心善領不令忘失若無疑者如常受法禮足而退 若師出行隨後而去若師坐者自應蹲踞或處卑坐其師亦應敬彼學徒勿生輕慢虛心授與於法無惱善領善答

有忍有悲無懷恚恨令受業者情無疲惱

常給侍者應數教授性愚鈍者亦應偏教
若作吟詠之聲而授法者得惡作罪若說
法時或為讚歎於隱屏處作吟諷聲誦經
非犯 不應讚誦外書典籍若為降伏異
道自知有力日作三時兩分勝時應學佛

謙十

法一分下時應習外典不應記年月以為

三分夜亦三時初後習禪誦經中間繫心
寢息若作婆羅門誦書節段音韻而讀誦
者得越法罪若方言若國法隨時吟詠為
唱導者斯亦無犯 茲芻尼律亦應習學
尼來請學如法教示若有疑問善為開釋
若講誦時忘其所在方處者於六大城市
隨一應說若忘國王並大地主及鄒波斯
迦名者應隨意稱勝光大王給孤獨長者
毘舍佉鄒波斯迦 又茲芻尼住處常月八

日及十四日至小食時鳴犍椎集大眾設
香華聽經法有外道來應設方便令彼出
去應請耆宿情存虔敬善威儀者宣說聖
言不應求利以為活命得惡作罪若說非
法上座應遮 又說法人不應多領門徒
以為侍從彼自遮行者無犯遮者既至彼
處說法之師踞師子座前置高案用承經
典嚴設香華若不請輒為人說得越法罪

第七說他麤罪戒

若比丘知他有麤惡罪向未受大戒人說除

牒十

九

僧羯磨波逸提

緣起此戒有三制佛在羅閱城者闍崛山

中時有行波利婆沙摩那埵比丘在下行
坐六羣語諸白衣言此等犯如是事故僧
罰使在下坐有過比丘聞之慚愧彼樂

學戒者譏嫌六羣往白世尊此初結戒也與結戒已時諸比丘或不知麤惡不知不麤惡或有作波逸提懺悔者或有畏慎者佛言不知不犯此第二結戒也爾時舍利弗為衆所差在王衆中及諸人民中說調達過調達所作者莫言是佛法僧當知是調達所作舍利弗聞制戒已便生畏慎心諸比丘白佛佛言衆僧所差無犯故有除僧羯磨之語此第三結戒也由未近圓事不忍煩惱制斯學處乃初篇妄根本種類釋義文分二節知他有下明其所犯除僧下以顯開聽律云未受戒者如前麤惡罪者波羅夷僧伽婆尸沙向未受大戒人說者謂對彼陳說彰露前人所犯過也一羯磨同一說戒除僧和集公差說罪不犯此法於作持中明

結罪是中犯者若說了了者波逸提不了了者突吉羅除麤惡罪更以餘罪向未受大戒人說者突吉羅自犯麤惡罪向未受大戒人說突吉羅除比丘比丘尼以餘人麤惡罪向未受大戒人說突吉羅俗人謂三小衆及在家受戒二衆也除麤惡罪麤惡想波逸提麤惡罪疑非麤惡麤惡罪想非麤惡疑皆突吉羅此戒具七緣方成本罪一要有故說心二是麤罪作麤罪想三他人先本不知作不知想四非奉僧差五犯者是受大戒人六向未受戒者說七說聽了了

兼制比丘尼波逸提同制同學式义摩那沙彌沙彌尼突吉羅是為犯

隨開不犯者若不知若衆僧差麤惡非麤

惡想若白衣先以聞此麤惡罪及最初未制戒等是為不犯

會採僧祇律云比丘尼雖受具戒亦不得

向說以比丘尊勝恐尼輕慢之
佛慈護僧故進不向彼說

根本律云若於不知俗家作不知想疑向彼說他麤罪得墮罪。若於知俗家作不知想疑向彼說者得惡作無犯者於不知

知俗家作先知想若大衆詳說其事或時人衆普悉聞知猶如壁畫人所共觀非我獨知說皆無過人衆普悉聞知謂所集僧衆非指世俗未近圓人也

五分律云教向甲說而向乙說教說此罪而說彼罪皆波逸提

十誦律云若羯磨此比丘作說罪人餘比丘說者突吉羅此由未被僧差而受差者轉請彼說既越毘尼難免無過

若令向此人說此處說向餘人餘處

謙士

士

輕垢

說者突吉羅。若僧作隨意隨時隨處說

罪羯磨者無犯

五分教向甲而向乙說以故結重十誦今向此而向彼說皆由誤聽羯磨錯其趨向所以結輕

薩婆多論云與諸比丘結戒者為大護佛法故若向白衣說比丘罪惡則前人於佛

法中無敬信心寧破壘壞像不向未受具戒人說比丘過惡若說過罪則破法身故若說二篇罪名得波逸提說罪事得惡作

罪事者即隨犯姪盜等事

此戒大乘同制梵網義疏云說過者有兩一陷沒心欲令前人失名利等二治罰心欲令前人被繫縛等此二心皆是業主必犯重戒若獎勸心說及被差說罪皆不犯又犯七逆十重前人失戒失戒後說但犯

輕垢

第八向外人說法戒

若比丘向未受戒人說過人法言我見是我知是實者波逸提

緣起此戒起自婆薩園比丘如初篇中廣

說於間異者在虛實之別故犯分重輕也
律攝云先所未得而今得之以上人法向
未近圓者說因未近圓人似求名利似有
貪故制斯學處乃初篇妄根本種類按成
因緣

經原為向沙

補說故制

釋義律云人法者人界人陰人入上人法

者諸法出要自言有念善惡惟有戒有欲
有不放逸有精進有定有正定有道有修

行有智慧有見有得有果

諸言有等如初

中但云過人法而不言過天法者謂佛出
於人間於人中結戒以人中有波羅提木
多證聖道諸天著樂不能勤修是以但言

過人則其間無十士

實者謂自身真實證得此法
是中犯者若真實有此事向未受大

戒人說了了者波逸提 說不了了者突

吉羅 若手印書若作知相遣人了了波

逸提 不了了突吉羅 若向天龍鬼子

及畜生能變化者說了了不了了盡突吉

羅 若向受大戒人非同意者說突吉羅

此戒具四緣方成本罪一實有過人法

二有貪名利心三向未受戒人說四前人

領解

兼制比丘尼波逸提同制式叉摩那沙彌

沙彌尼突吉羅是為犯

隨開不犯者若增上慢若自言是業報不

言是修得若實得向同意比丘說或戲說
獨語夢中語及最初未制戒等是為不犯

會採薩婆多毘婆沙云若實得四果乃至

得不淨觀向他說盡波逸提 若為名利

故言我清淨持戒實誦得三藏及隨所誦

經隨所解義隨能問答向人說者盡突吉

羅譏十

僧祇律云現阿羅漢相越毘尼心悔

五分律云若受大戒人不問而向說語語

突吉羅 不犯者若泥洹時說若受具戒

人問而後說

律攝云對俗人現神通得惡作罪 不犯

者為顯聖教現希有事或欲令彼所化有

情心調伏故雖說無犯

摩得勒伽云向狂人散亂心人重病人說

突吉羅

此戒大乘同學

第九與女人過說法戒

若比丘與女人說法過五六語除有知男子

波逸提

緣起此戒有三制佛在舍衛國給孤獨園

迦留陀夷乞食詣長者家在姑前與兒婦

耳語說法姑見生疑云若說法者當高聲

說令我等聞何乃耳中獨言耶有乞食比

丘聞知訶責黑光往白世尊此初結戒也

時有諸女人請比丘說法因佛制戒不敢

為說故開聽說不得過五六語此第二結

戒也諸比丘復有畏慎心以無有知男子

便休不與女人說法又加除有知男子之

語故有第三結戒也 此是遮罪因說法

事譏嫌煩惱制斯學處乃初篇婬根本種

類

釋義 律云五語者色無我乃至識無我六

語者眼無常乃至意無常

律攝云五六相應所有言語名

惡不麤惡事

僧祇律云若盲若聾若聵亦減七歲若過七歲不解好惡語義味不有名有知若七歲若過七歲解好惡義味是名謙古

知

結罪是中犯者若為女人說法過五六語

除有知男子說而了了者波逸提說不

了了突吉羅若天龍鬼女及畜生女能

變化者說過五六語了了不了盡哭吉

羅此戒具四緣方成本罪一必是在家非幼小人婦女二無在家有知男伴三說法過五六語四言辭了了

兼制

比丘尼波逸提

同制

式叉摩那沙彌

沙彌尼突吉羅是為犯

隨開 不犯者若五六語說若有知男子前過五六語說若無有知男子前授優婆夷五戒及說五戒法授八關齋及說八關齋法說八聖道法說十善法若女人問義無有知男子應答若不解者得廣為說並最初未制戒等是為不犯

會採 五分律云為女人說五六語竟語言

法正齊此從坐起去更有因緣還復來坐為說不犯若說五六語竟更有女人來為後女人說如是相續為無量女人說皆

主不犯若自誦經女人來聽若女人問義要使得解過五六語皆不犯

薩婆多論云女謂能受婬欲者若石女若小女未堪任作婬欲者突吉羅若說世間常事突吉羅若說布施福報咒願不

犯 得為尼說法一切尼衆以教誡故無過

律攝云或男無欲意女有染心或時翻此皆得惡作縱是聰敏亦不應說 雖曰女人智同男子由對此女無邪說故亦不犯此戒大乘同學護譏嫌故必若不起譏嫌方可隨機廣略無犯

第十掘地戒

若比丘自手掘地若教人掘者波逸提

緣起此戒有二制佛在曠野城六羣比丘

與佛修治講堂周匝自掘地諸長者見皆譏嫌斷他命根此初結戒也六羣更教人掘地言掘是置是長者復譏嫌此第二結戒也此是遮罪由作鄙業妨廢正修制斯學處

兼制比丘尼波逸提

同制式叉摩那沙彌

釋義律云地者已掘地未掘地若已掘地經四月被雨漬還如本

雨國上八月地生此謂驚蟄後立冬前也多種生地不生地有二少雨國土四月地生此夏四月也除是名石分律攝云生地者謂未曾掘若曾掘被天雨濕或餘水霑時經三月是名善見律云於地四分地異此片生地畢生地若無雨濕及水霑潤時經六月亦名石分

燒皆非生地一分土及被

結罪是中犯者若用鋤或以鎬剗或以椎打或鎌刀刺乃至指爪搘傷地打橛入地

地上然火一切波逸提 若不教言看是知是突士呂羅

比丘法不得直言掘是置是緣十此是淨語令淨人自知看所

應所應置也五分律云一一所須語淨入言汝知是若不解復語言汝看是若不解復語言我須是若六此戒具三緣方成本罪一是生地二無敬教心三自掘教他

沙彌尼突吉羅是為犯

隨開不犯者若語言知是看是若曳材木

曳竹若籬倒地扶正若反墮石取牛屎

西城

建壇及燒多取用故取崩岸土若取鼠壞土若除經行處土若除屋內土若往來經行若掃地若杖築地若不故掘及最初未制戒等是為不犯

會採僧祇律云若河邊坎上以腳蹋墮蹋

蹋波逸提坎畔邊行土崩無罪

若營事

比丘多有墮物僧物欲藏地中若在露處生地不得自掘當使淨人知若在覆處死地得自掘藏若地打栓古核字越毘尼罪

傷如蚊脚波逸提拔栓亦爾若死土被雨已比丘不得取使淨人取盡雨所洽際然後自取無罪掘地波逸提半沙越毘

尼罪純沙無罪若土塊一人不勝破者波逸提破滅一人重者無罪石薦石糞灰准此應知

十誦律云若掘不生地隨一一掘突吉羅

若掘生地隨一一掘波逸提若掘況

處乃至沒膝處隨一一掘突吉羅若手畫地乃至沒芥子一一畫突吉羅若生

金銀等鑽處若雌黃赭土白墡處生石處黑石處沙處鹽處掘者不犯

根本律云若營作苾芻欲定基時得好星候吉辰無有淨人應自以橛釘地記疆界深四指者無犯

五分律云餘三衆無事掘地突吉羅若取

燥土不犯准此應知三衆有事不禁下斷草木例斯亦爾

此戒大乘同學

第十一壞鬼神村戒

若比丘壞鬼神村波逸提

緣起佛在曠野城有一比丘修治屋舍自手斫樹佛知訶責為僧結戒此是遮罪因種子及鬼神村事以譏嫌無悲煩惱制斯學處

釋義律云鬼者非人是

婆沙論云鬼者畏也謂虛怯多畏故

又威也能令人畏其威故神者能也大能力者能移山填海小力者能隱顯變化村

者一切諸草木是若斫截墮故名壞村有

五種本翻今准根本律云

五種楚語未

一根種謂香附子

菖蒲薑等此物皆由根種乃生故

二莖種即枝種也

謂石

榴楊柳菩提貝多葡萄等樹此等皆由莖生故

三

節種謂芭蕉竹葦等此等皆由莖生故

四開種謂稻

蘭香橘柚等此等皆由開裂乃得生故

五子種謂稻

麥豆芥等此等皆由鬼神託之棲止猶若人之依

五種

樹

村落也故名鬼神村戒因緣經云有鬼依樹根有神依樹根有依樹皮裂中有依樹菴舍有依樹葉有依樹華下依住者食其香故正法念處經云樹下取材而用故墮中常被寒熱

結罪是中犯者於五生種若生生想自斷

自炒自煮教他斷炒煮盡波逸提若生

疑自斷炒煮教他斷炒煮突吉羅生非

生想非生生想非生疑盡突吉羅

若生草木生草木想自斷炒煮教他斷炒

煮盡波逸提生草木疑自斷乃至教他

大煮突吉羅生草木非生草木想非生

草木生草木想非生草木疑盡突吉羅

若釘橛著樹上若以火燒著生草木上若

斷多分生草木盡波逸提斷半乾半生

草木突吉羅若不言看是知是突吉羅

此戒具四緣方成本罪一知是生草木二生草木作生草木想三欲自壞或非淨語教他壞四必斷已

兼制比丘尼波逸提同制沙彌尼突吉羅是為犯

錄十

五

隨開不犯者言看是知是若斷枯乾草木若於生草木上曳材曳竹正籬障若擗壘壘石若取牛屎若生草覆道以杖披遮令開若以瓦石柱之而斷傷草木若除經行地土若掃經行來往處地誤撥斷生草木及最初未制戒等是為不犯

會採第三分云不應不淨果便食應作五種淨法食一火淨乃至以火一燒二刀淨以刀損壞三瘡淨果上自不任為種或未成熟四鳥啄淨鳥曾啄傷五不中種淨

種淨應去子食復有五種淨法若皮剥少皮剥去若腐爛皮盡若破裂剝去若瘀燥自乾不應不淨果菜不應自作淨不應自手捉令人作淨應置地使人作淨作淨已不應不受而食

律攝云若葡萄瓜果總為一聚於三四處以火柱之柱音主此便為淨若刀爪一一皆須別淨若自將刀等作淨者食時無犯

淨時波逸提

五分律云若食根種亦應五種淨謂剥截破洗火若食莖葉應三種淨謂刀火洗若作淨時應作總淨於一聚一器中若淨一名為總淨 餘三衆無故殺生草木突吉羅 若為火燒若折若斫知必不生不犯

若比丘住處庭中生草聽使淨人知

令彼自
知除去

僧祇律云有國土作穀聚畏非人偷以灰
火燒上作識此即為淨 若摩摩帝有倉
穀未淨畏年少比丘不知法使淨人火淨
至倉穀盡比丘恒得語言春去不犯 若
拾乾牛屎合生草者波逸提

摩得勒伽云以灰土沙覆生草突吉羅

若語餘人言取是果我欲食突吉羅 生
果未淨全咽突吉羅全咽謂口含也咬破波逸提

取木耳突吉羅

打熟果落突吉羅

打生果落波逸提

善見律云若火淨已後生芽生芽處便淨
非生芽處得食 若須華果得攀樹枝下
使淨人取不犯不得令枝折 若樹高淨
人不及比丘得抱淨人取之不犯 若木

珠十

倒笮比丘而不死雖手中有刀斧等寧守
死不斫木掘土以脫自命何以故掘土斫
木得墮罪智慧人寧守戒而死不犯戒而
生 若樹押人比丘得斫樹掘地以救其
命不犯須知為已違制勿犯違悲
救生聽開全周大乘教意若人放
火燒寺為護住處得剗草掘土以斷火不
犯

根本律云若於生草及青苔地經行之時
起念令草損壞者隨所損壞波逸提 若
但作經行心者無犯 若拔地菌突吉羅

薩婆多論云有三戒大利益佛法一不得
擔二不殺草木三不掘地若不制三戒國
王當使比丘種種作役有此三戒國王息
心三衆是淨人故不犯本律並諸部式義
犯惡作者是制彼等諸律儀也今皆
云不犯者正明別開非類大僧也

此戒大乘同學

引證根本雜事云得义尸羅國有醫羅鉢

龍王化身為摩納婆形持滿篋金徧遊諸處說偈問言何處王為上於染而染著無染而有染何者是愚夫何處愚者憂何處

智者喜誰和合別離說名為安樂若有解

者即以金篋供養然無有人能解釋者漸行至婆羅尼斯國復如是唱有人報言有上智人住阿蘭若名那刺陀當解斯義未幾那刺陀至龍王以偈問彼聞記憶告言

十二年後當為汝釋龍言太長太久漸求減至七日時那刺陀即往告五苾芻苾芻答言汝可問佛即詣鹿林禮佛足而坐佛為說法證預流果願求出家佛言先為摩納婆解釋頌義然後出家應如是答第六

王為上染處即生著無染而起染說此是愚夫愚者於此憂智者於此喜愛處能別離此則名安樂彼若不解更為說頌若人聞妙語解已修勝定若聞不了義被人由放逸彼若更疑汝可對彼以爪截葉若問世尊出世報言已出若問何處報言在施鹿林時摩刺陀受佛教已至彼龍所具答如上彼龍化作金轉輪聖王往世尊所佛言汝愚癡人於迦攝波佛時受佛禁戒不能護持感此下劣長壽龍身今者何故還起詐心汝今可復本形龍言世尊我是龍身多諸怨惡恐有衆生共相損害佛敕金剛手為之守護龍王別至一處遂復本形身有七頭頭尾相去有二百釋謂二百由旬也一頭上各生一醫羅大樹被風搖動牒血

皆流露污形骸臭穢可惡常有蠅蛆諸蟲
徧其身上晝夜唼食是時龍王即以本身
詣世尊所禮足却住白言惟願世尊為我
授記當於何日捨此龍身佛言當來人壽
八萬歲時有佛出世號曰慈氏為汝授記
第十一
當免龍身龍王悲哭諸頭眼中一時淚出
成十四河駛流驚注佛令裁止勿致損國
龍禮佛足忽然不現大眾問其往因佛言
迦攝佛時此龍於佛法中出家修行善閉
三藏具習定門經行醫羅樹下以自策勵
樹葉打頭即便忍受後時繫心疲倦從定
而起策念經行葉還打頭極痛發瞋恚心
以兩手折其樹葉投地作如是語迦攝波
佛無情物上見何過咎而制學處令受斯
苦彼猛毒瞋心毀戒命終墮此龍中

第十一

五

附考根本律云凡授事苾芻為營作故將
伐樹時於七八日前在彼樹下設諸祭食
誦三啟經謂三誦也者宿苾芻應為咒願說十
善道讚歎善業復應告言若於此樹舊住
天神應別求居止此樹今為三寶有所營
作過七八日已當使淨人斬伐之若伐樹
時有異相現者應為讚歎施捨功德說慳
貪過若仍現異相則不應伐若無別相應
可伐之要令淨人知非自伐也

毘尼止持會集卷第十

音義

六 大 城 佛生迦羅衛成道摩竭提說法波離城此六城乃十六大國之首
域
飯子破此五戒為優婆塞優婆夷若在家弟
星在地則達五嶽在方則達五帝在身則
戒者天下大禁忌若犯五戒在天則達五

達五臟如是等世間違犯無量若約出世
犯五戒者則破五分法身一切佛法何以
故五戒是一切大小乘尸羅根本若犯五
戒則不得更受大小乘戒者若能堅持即
是防惡律儀無作之非能止三業所起之惡
故五戒則不復更受大施此五通名戒者以
防止為義能

八
關
戒
法

葉故致頭上生此與極之樹也	摩納婆翻此
儒篋音怯銷	婆羅尼斯國 <small>舊云波羅奈河名也去河不遠</small>
造立王城或	那刺陀 <small>未見史音使又去聲</small>
翻為江邊城	翻譯駢馬行疾也
即橋陳如	五苾芻即五人也

謂閉八惡不起諸過後一不非時食名之
為齊魯以齊中為義即是禁止八惡而令
修中道故也十不善法即名十善法或名十善道
台云十善有二種一止二行止則但止前
惡不惱於他行則修行勝德利樂一切此
順理止則息於重倒之惡行則相歸勝道
之善故止作二種皆名曰善或以加道名
以能通至助守沮與無同去穢助
樂果也助苗也又誅也斫也鑊聲大
組也剉音直鎌音羸鉤刃掐苦治切
也金亦名笄子掐不刺也赭赤土
白土柚音右小者為倍薺上音倍下音
榆大者為袖倍薺通姑花也
箇音齧平也刻音產削箇音開革得义戶羅國
未見醫羅鉢龍王亦云發鐵鉢羅醫羅樹
翻譯